

Kalaallit Nunaanni inuussutissarsiummik ingerlataqarneq pillugu Inatsisartut inatsissaat

Kapitali 1.

Atuuffi

§ 1. Inatsit atuuppoq inuussutissarsiummut imaluunniit suliassaq pillugut neqeroorut erseqqissumik aalajangernagu sivisussuseqartumut Kalaallit Nunaanni ingerlanneqartumut imaluunniit suliarineqartumut, taamaattorli imm. 2 aamma 3 takukkit.

Imm. 2. Inatsit atuuppoq piginneqatigiilluni inerlatseqatigiiffinnut, ingerlatsineq avammut sammisumut tunngasoq inuussutissarsiummik ingerlatsinertut iluseqarpat.

Imm. 3. Inatsit atuutinngilaq kalaalimineerniarfinnut imaluunniit aalisarnikkut, piniarnikkut, aallaaniarnikkut nunalerinikkut imaluunniit assessorluni kusanartuliornermik assigisaannilluunniit inuussutissarsiuteqarnermut.

Kapitali 2.

Aalajangersakkat nalinginnaasut

§ 2. Inuit inuussutissarsiummik ingerlatsisinjaatitaapput:

1) danskisut innuttaassuseqarunik imaluunniit najugaqarnissamut sulinissamullu akuersisummiik Kalaallit Nunaannut atuuttumik pigisaqarunik,

2) Kalaallit Nunaanni najugaqarunik,

3) nammineersinjaatitaagunik imaluunniit nammineersinjaatitaanermik inatsit malillugu akuerineqarsimasuugunik inuussutissarsiummik pineqartumik nammineerluni ingerlatsinissamut aamma

4) Kalaallit Nunaanni inuussutissarsiummik ingerlatallit nalunaarsorsimaffiannut nalunaarsimagunik.

5) akitsorterussisartutut, nunat allat aningasaannik pappialanillu nalilinnik niueruteqartartutut imaluunniit inissianik niueruteqartartutut inuussutissarsiummik ingerlatsinerminni akiliisinnaajunnaartutut nalunaarutigineqarsimanngikkunik.

Imm. 2. Danskisut innuttaassuseqarnissamik Kalaallit Nunaannilu najugaqarnissamik imm. 1-imi piumasaqaat atorunnaartarpooq, tamanna nunat tamalaat akornanni isumaqatigiissummi imaluunniit aalajangersakkanik Naalakkersuisunit aalajangersarneqarsimasunik tunngavissaqartillugu.

§ 3. Inuit § 2, imm. 1-imi piumasaqaatinik naammassinninngitsut inuussutissarsiummik ingerlatsinissaannut Naalakkersuisut akuerisinjaavaat. Akuersissut taamaattoq tunniunneqarpat suliffik pisortaatitamit siulorsorneqassaaq. Pisortaatitap § 2, imm. 1-imi pissutissaatitaasut eqquutsissimassavai, pissutsilli immikkut illuinnartut pissutissaqartippassuk Naalakkersuisut tamanna sanioqqutsissinnaavaat.

§ 4. Peqatigiilluni ingerlatseqatigiiffinni akisussaasuuusuni (interessentskaber aamma kommanditselskaber) inuttut nammineerlutik akisussaasuuusutut peqataasut tamarmik inuussutissarsiummik

ingerlatsisinnaassagunik § 2, imm. 1-imi pissutissaatitaasut eqquutsissimassavaat.

§ 5. Aktiaateqarluni, piginneqataassuteqarluni piginneqatigiillunilu ingerlatseqatigiffit inuussutissarsiummik ingerlatsisinnaatitaapput, taakku

1) Erhvervs- og Selskabsstyrelsimi Kalaallit Nunaanni angerlarsimaffeqartumi nalunaarsorneqarsimamgunik,

2) ingerlatseqatigiiffiup siulersuisuii Kalaallit Nunaanni najugaqarpata aamma

3) pisortaaneqarfimmi siulersuisunilu ilaasortat nammineersinnaatitaappata imaluunniit ingerlatsinissamut nammineersinnaatitaanermik inatsit malillugu nammineerlutik inuussutissarsiummik ingerlatsisinissamik akuerineqarsimappata aammalut

4) pisortaaneqarfimmi siulersuisunilu ilaasortat akiliisinnajunnaartutut suliarineqanngippata.

Imm. 2. Ingerlatseqatigiiffik pilersinneqarnermi nalaaniippat, imm. 1-imi aalajangersakkat apeqqutaatinnagit Erhvervs- og Selskabsstyrelsimit nalunaarutigineqareersimamguni suliffimmik ingerlatsisinnaavoq nalunaarsorneqarnissami tungaanut.

Imm. 3. Ingerlatseqatigiiffit allat killilimmik akisussaaffillit, matumani ingerlatseqatigiiffit ilaasortallit amerassutsimikkut allanngorartunik imaluunniit aningaasaateqassusiat allanngo-rartut, peqatigiiffit, iluaqutaasussatut pilersitat aamma suliffeqarfut imminnut ingerlattut allat Dankmarkimi, Savalimmiuni imaluunniit Kalaallit Nunaanni angerlarsimaffeqartut inuussutissarsiummik ingerlatsisinnaatitaapput pisortat aamma siulersuisuni ilaasortat amerlanerussuteqartut § 2-mi, tak. § 3, inuussutissarsiummik ingerlataqarnissamik pissutissaatitaasut eqquutsissimappatigit.

Imm. 4. Ingerlatseqatigiiffit nunani allanit pigineqartut immikkoortortaat il.il. imm. 1-3-mi taagorneqartutut ittut inuussutissarsiummik aatsaat ingerlatsisinnaapput, nunat tamalaat isumaqatigiissutaasigut imaluunniit aalajangersakkatigut Naalakkersuisut aalajangersagaasigut tamanna tunngavissaqartinneqarpat. Tamatuma saniatigut immikkut illuinnartutigut Naalakkersuisut tamanna akuerisinnaavaat. Taamaattoq immikkoortortani pisortaatitat § 2-mi, tak. § 3, imm. 1, inuussutissarsiummik ingerlatsisinnaanermut pissutissaatitaasut namminnerisamik eqquutsissimassavaat.

Imm. 5. Imm. 1-4-imi maleduagassat apeqqutaatinnagit immikkut illuinnartutigut qinnuteqartoqareerneratigut inuussutissarsiutitut suliffimmik ingerlatsinissaq Naalakkersuisut akuersissutigisinnavaat.

§ 6. Inuussutissarsiummik ingerlatsisinnaatitaaneq atorunnaassaaq inuussutissarsiummik ingerlatsinissamut inatsimmi pissutissaatitaasut pineqartup eqquutsikkunnaarpagut, taamaattoq tak. § 7 aamma § 9.

Imm. 2. Imm. 1-imi piumasaqaatit Naalakkersuisut sanioqqutsissinnaavaat.

Imm. 3. Pinerluttulerineq pillugu Kalaallit Nunaannut inatsimmi kapitali 30 malillugu inuussutissarsiummik ingerlatsisinnaatitaaneq atorunnaarpat imaluunniit aalajangiinikkut pigiunnaarsitaappat inuussutissarsiutitut suliffik erngerluni unitsinnejassaaq.

§ 7. Kommunimut nalunaaruteqareernikkut toqusup pigisaanik isumaginnittup, katissimallugu aapparisap pigisanik kingornussassanik nikisinnagit pigisaqannartup, akiliisinnajunnaartup pigisaanik isumaginnittooq imaluunniit nammineersinnaajunnaarsitaasimasumut sinniisuuusup, toqukkut qimaguttup, akiliisinnajunnaartup imaluunniit nammineersinnaajunnaarsitaasimasup suliffiutaata atorunnaarsinneqarnissaa, tuniniarneqarnissaa taamaaqataanilluunniit pineqarnissaa siunertaralugit ingerlateqqissinnaavaa toqusup pigisaanik isumaginnittup, katissimallugu aapparisap, akiliisinnajunnaartup pigisaanik isumaginnittup imaluunniit nammi-neersinnaajunnaarsitaasimasumut

sinniisuusup §§ 2-miit 5-imut piumasaqaatit eqquutsissimanngikkaluarpagilluunniit. Tamatumunnga periarfissiissut toqukkut qimاغunnerup, akiliisinnaajunnaarneq pillugu inassuteqarnerup imaluunniit nammineersinnaajunnaarsitaanerup kingornatigut ukiup ataatsip iluani taamaallaat atuuppoq. Pisuni immikkut illuinnartuni piffissaliussamik kommunalbestyrelsi sivitsuisinnaavoq.

§ 8. Akuersissutit inatsit manna malillugu Naalakkersuisunit tunniunneqartut killilerneqarsinnaapput piumasaqaatitalerneqarsinnaallutilu.

Imm. 2. Aalajangiinerit inatsit manna malillugu kommunalbestyrelsimit aalajangiunneqartut tunngavilersorneqassapput aamma aalajangiinerup tiguneraniit sapaatit akunneri sisamat tikitsinnagit Naalakkersuisunut naammagittaalliuutigineqarsinnaapput.

Kapitali 3.

Nioqquteqarfimmit aalaakkaasumit nioqqutissanik sullissinernillu tuniniaaneq

§ 9. Nioqqutissat nioqquteqarfimmit aalaakkaasumit taamaallaat nioqqutigineqarsinnaapput, taamaattorli tak. kapitali 4.

Imm. 2. Nioqquteqarfifit aalaakkaasut tassaapput nioqquteqarfifit, suliffissuit imaluunniit sannaviit initaat aammalut aningaasanik ikisilluni pisistarfiit ataavartut.

Imm. 3. Nioqquteqarfimmit aalaakkaasumit nioqqutissanik kingusinnerusukkut aggiutititassanik imaluunniit assassinluni suliaritinniagaq ikkussortinniagarluunniit pillugit nammineerluni saaffiginninneq aatsaat pisinnaavoq pisumasup siumut noqqaassuteqarneratigut, taamaattorli imm. 4 takuuk.

Imm. 4. Imm. 3-mi aalajangersagaq atuutinngilaq nioqqutissanik § 11, imm. 1-im aamma 2-mi taaneqartunik inniminniineq pillugu saaffiginnissutinut. Imm. 3-mi aalajangersagaq aamma atuutinngilaq saaffiginnissutinut atuakkanik inniminniinermi imaluunniit kusanartuliatut suliaritinniakkanut, sumiiffimmi aatsaat suliarineqarsinnaasunut, nioqqutissanik sullissinernillu suliffeqarfimmi namminermi atorneqartussanik inuussutissarsiummik ingerlataqartumut aamma pisortat suliffeqarfutaannut saaffiginnissutini, aviisnik, aviisnik sapaatit akunnerannut saqqummersartunik naqitikanillu saqqummersittakkanik pisartagaqarniarluni inniminniinernut, sillimmasiinernut imaluunniit sullissinernut annaassiniarnermik napparsimasunilluunniit angallassinernik ilaqtunut, tamatumani kommuni ataaseq arlallilluunniit ikuallattoqartillugu annaassiniarnerit qatserinerillu suliarineqarnissaat pillugu isumaqatigiissuteqarsimatillugit.

Imm. 5. Imm. 3-mi 4-milu aalajangersakkani pineqartunut ilaavoq nunami allamiit akiligassatut inniminniineq sunaagaluartorluunniit.

§ 10. Inuussutissarsiummik ingerlataqartut aalaakkaasumik nioqquteqarfeqartut pisinianit takujuminartumi allagartamik nivingatitaqassapput piginnittup aqqaq allannilimmik.

Imm. 2. Aningaasanik ikisilluni pisistarfiit piginnittup aqqa (suliffiup) nioqquteqarfiullu najugaa pillugit paasissutissanik peqartinneqassapput.

Kapitali 4.

Nioqquteqarfiup aalaakkaasup avataaniit nioqqutissanik sullissinernillu tuniniaaneq

§ 11. Inuit, pisut § 12-imti taaneqartut avataasigut, inuussutissarsiummik ingerlatsisinnatitaanermut pissutissaatitaasut aamma eqquutsinnejqarsimmanngikkaluarpatluunniit nioqquteqarfiup aalaakkaasup avataaniit pajuttornikkut, qamutinit uniartakkanit, qamutinit pajuttutinit, tuperniit allatulluunniit pigallartumik nioqquteqarfiusunit imaluunniit kalaaliminermik tuniniaavinniit il.il. nioqquteqarnikkut

nioqqutigisinnaavaat

- 1) inuussutissat nutaat pinngortitameersut nunalerinikkut naatitat inerittui, nersutaatit, piniarnikkut, aallaaniarnikkut aamma aalisarnikkut pisat, inuussutissat nutaat pinngortitameersut qeritinnerisigut, pujoornerisigut tarajorternerisigullu asiunaveersakkat, aammalu iffiukkat, immuk, immuup qalippernera, sikut nerisassiat, immussuit, punnerit margarinalu;
- 2) aviisit, atuagassiat sap. akunnikkaartumik saqqummersartut, atuagassiallu sammisanik aalajangersimasunik imaqartitat, taamaattoq taamaallaat aqqusinerni illoqannginnersanilu aamma
- 3) kalaallit kusanartuliaat aamma sanalugaat.

Imm. 2. Kinaluunniit aalisakkanit pisuniinnaq imm. 1 naapertorlugu tuniniaasoq tassunga atatillugu taakkunannga akuutissanik aammalu aalisakkanik aqerlorterlugit asiunaveersakkanik tunisaqarsinnaavoq.

Imm. 3. Inuussutissarsiummik ingerlataqartut nioqquteqarfiup aalaakkaasup avataani inuussutissarsiummik ingerlataqartunut nioqqutissanik suliffimi pineqartumi atorneqartussanik aamma tunisaqarsinnaapput.

§ 12. Illoqannginnersani, tuniniaasitsivinni nersutaatinillu niuerfinni tuniniagaasinnaapput uumasuutit, inuussutissat nunalerinikkut pinngortitat, nersutaatit, piniarnikkut, aallaaniarnikkut aalisarnikkullu pisat aammalu kalaallit kusanartuliaat kalaallillu sanalugaat. Taamaaliortoqarsinnaavoq §§ 2-miit 5-imut pissutissaatitaasut eqquutsinnejanngikkaluarpataluunniit.

Imm. 2. Piffissat, sumiiffit piumasaqaatillu politiit isumasioqatigereerlugit kommunalbestyrelsip alajangersagai malillugit illoqannginnersani taamaallaat tuniniaasoqarsinnaavoq.

§ 13. Niueqatigiinniarluni katersuuffiusimasunermut, tuniniaalluni suliassaqarfinnullu aalajangersimasumik sammisunut tunngatillugu saqqummersitsinernut aamma saqqummersitsinernut atatillugu inuussutissarsiummik ingerlatsinerup inatsimmi matumani aalajangersakkanit pineqannginnissaa Naalakkersuisut akuerisinnaavaat.

Imm. 2. Inuussutissarsiummik ingerlataqartut, suliffeqarfiit sinniisui il.il. nioqqutissanik sullissinissanillu inniminnisoqarnissaa siunertaralugu saqqummersitsinnaapput inniminniinernillu inini saqqummersitsiviusuni tigooraasinnaallutik. Ini saqqummersitsivik inuussutissarsiummik ingerlataqartunut nioqqutigineqartunik sulliviutiminni atuisinnaasunuinnaq aammatinneqarlunilu inniminniiffigineqarsinnaavoq.

§ 14. Immikkut pisoqartillugu nioqquteqarfiup aalaakkaasup avataani piffissaa killilerlugu nioqqutissanik aamma sullissinissanik erseqqissumik taasanik ilaanneeriarluni tuniniaanissamut inuit, ingerlatseqatigiiffit il.il. Naalakkersuisut akuerisinnaavaat.

§ 15. Qamummi, umiarsuarmi, tupermi allamiluunniit tuniniaanermi atorneqartumi tuniniaasup aqqa erseqqissumik takutinneqassaaq. Piumasaqaalli atuutinngilaq nioqqutissanik assartuinermi.

Kapitali 5.

Akunnittarfinit neriniartarfinit illu pillugit immikkut

§ 16. Akunnittarfinit neriniartarfinit illu ingerlatsineq inatsimmi matumani tassaatinneqarpooq

- 1) nerisassanik najoqqagassanillu sassaalliiinikkut namminerisamik inuussutissarsiummik ingerlatsineq, matumani ataasiartumik aaqqissuussisarnerit aamma ilanngullugit,
- 2) sassaallivigineqarnissamut periarfissaqarfiusumik unnuisitsisarnermik namminerisamik inuussutissarsiummik ingerlatsineq,
- 3) sassaalliiinermik namminneq isumaginnitunut katerisimaartunut ininik attartortitsineq.

Imm. 2. Sassaallieneq inatsimmi matumani tassaatinneqarpoq tuniniaaffiusumi taassuma-luunniit eqqaani nerisassanik najoqqagassanillu tuniniaaneq.

Imm. 3. Kapitalimi matumani aalajangersakkat piginneqatigiiffinnut peqatigiiffinnullu allanut atuupput inuussutissarsiummik taamatut ingerlatsineq avammut sammisinneqarpat imaluunniit ilaasortat akiliisillugit imigassanik aalakoornartortalinnik kimittuunik kimikitsunilluunniit sassaallivigineqartarpata.

§ 17. Neriniartarfinnik akunnittarfinnillu ingerlatsineq taamaallaat ingerlanneqarsinnaavoq Kalaallit Nunaanni ingerlatsivimmit aalaakkaasumit, ingerlatsivinnit taamaattuniit nerisassat, iffiukkat, kaagiliat piariikkat najoqqagassallu kisimik annitassatut tunineqarsinnaapput.

Imm. 2. Sullivik aallartinneqassangilaq init imaluunniit sassaalliviit pineqartut siunertarisaminut akuerineqaqqaartinnagit.

§ 18. Sullivup ulluinnarni ingerlanneqarnera piginnittumit imaluunniit pisortaatitamit siulersorneqassaaq. Sullivik ingerlatsivinnit arlalinnit ingerlanneqarpat taakku ilaat ataasiinnaq piginnittumit siulersorneqassaaq. Ingerlatsiviit allat immikkut ataasiakkaarlutik tassani pisortaatitamit siulersorneqassapput.

Imm. 2. Ingerlatseqatigiiffit taamaaqataaluunniit § 5-im i taaneqartut ilaat piginnittuuppat, sullivup ingerlatsivii immikut ataasiakkaarlutik tassani pisortaatitamit siulersorneqassapput. Tamanna aamma atuuppoq pigisanut § 9-mi taaneqartunut.

Imm. 3. Pisortaatitat ingerlatsiviusumi communalbestyrelsimit nalunaarutigineqassapput. Pisortaatitat § 2-mi pissutissaatitaasunik eqquutsitsisimassapput. Ingerlatsiviusumi communalbestyrelsip qinnuteqartoqareerneratigut akuerisinnaavaa inuup ataatsip piginnittutut imaluunniit pisortaatitatut ingerlatsivimmik ataatsimit amerlanerusunik ingerlatsisutut siulersuisuunissaa.

Imm. 4. Pisortaatitaasoq piginnittutuulli suliffiup ingerlanneqarnera pillugu pinerluttulerinermik inatsit malillugu akisussaassuseqarpoq.

§ 19. Sutorniartarfimmik ingerlatsineq tassaatinneqarpoq inini tamatumunnga aaqqissuussaasuni imaluunniit suliffinnut atasuni taamaaqataanniluunniit inunnut suliffimmi sulisorineqartunut, sulisorineqartut pulaartuinut aammalu qamutinik motorilinnik ingerlatitsisunut, aatsisartunut il.il. suliffeqarfimmilu pisassalinnut sassaallieneq. Suliffinni immikkut ittuni taamaattunut ornigussinnaatitaasut killiliivigineqarnissaat Naalakkersuisut erseqqinnerusumik maleruagassiussinnaavaat.

Imm. 2. Imm. 1-im i taaneqartutut suliffeqarfik pillugu pinerluttulerinermik inatsit malillugu akisussaassuseqartoq tassaavoq sutorniartarfiup ingerlanneqarneranut akiliisussaaq. Sutorniartarfiup initaani nioqqutissanik tuniniaanermik ingerlatsisoqassangilaq. Taamaattoq Naalakkersuisut aalajangersaasinnaapput taakku malillugit kantiinani tunisat Inatsisartut inatsisaatigut matumuuna pineqanngitsunik inuussutissanik najoqqagassanillu, inuttut ulluinnarni pisariaqartitanik taamaaqataannillu erseqqinnerusumik taaneqartunik nioqquteqartoqarsinnaanngorlugu.

Imm. 3. Immikkut pisoqartillugu § 16, imm. 2-mi taaneqartutut ittumik sutorniartarfiup initaani - aamma sutorniartarfiup matoreernerani - sassaallisoqarnissaat Naalakkersuisut akuerisinnaavaat.

§ 20. Nalliuttorsiornerni, ataatsimiinnersni, tuniniaasitsinerni, qinersisoqarnerani, pigallartumik saqqummersitsinerni assingusunilu immikkut pisuni inuup tamatumunnga toqqarneqartup neriniartifiutilittut akunnittarifiutilittullu inatsimmi pineqartunut ilaasumik allatut akuerineqanngikkaluarluni ingerlatsinissa politiinit akuerineqarsinnaavoq.

Imm. 2. Højskolit ingerlatsiviillu assingusut taakku katerisimaartuminnut ataatsimiittuminnullu

ataatsimoortumik nereqatigiissitsineranni sassaalliiineq communalbestyrelsi akuersiseqqaarnagu pisinnaavoq.

Kapitali 6.

Akitsorterussisartut, nunat allat aningaasaannik pappialanillu nalilinnik niueruteqartartut imaluunniit pigisanik aalaakkaasunik niueruteqartartut pillugit immikkut

§ 21. Inatsimmi matumani akitsorterussisarnermik suliaqarnertut paasineqassaaq taamaaliornissamut sumiiffinni aalajangerneqarsimasuni akitsorterussinikkut nioqqutissanik tuniniagassanik tigooraaneq akitsorterussinissamillu piareersaaneq.

Imm. 2. Akitsorterussisartut niuernermik, assassortarissanik suliffissuaqarnermilluunniit ingerlataqassanngillat. Akitsorterussisarifiup pigineqareersup ingerlaqqiinnarnissaa immikkut pissuteqarluni kissaatigineqarpat, Naalakkersuisut aalajangersagaq taanna atutunngitsoortissinnaavaat. Akitsorterussisartut niuernermut init atugarisaat taamaallaat Naalakkersuisut akuersissuteqarnerisigut inuussutissarsiummik allamik ingerlatsinermut atorneqarsinnaapput.

§ 22. Inatsimmi matumani nunat allat aningaasaannik pappialanillu nalilinnik nioqquteqartarfimmik ingerlatsinertut paasineqassaaq pappialanik nalilinnik pisiortorneq tuniniaanerlu allat akiligassaannik, aningaasat nalingisa assigiinngissutaannik iluaquteqarluni niunermik ingerlatsineq aningaasanillu nunat allat aningaasaannut allanngortitsisarneq.

Imm. 2. Taaguut "nunat allat aningaasaannik pappialanillu nalilinnik niueruteqartartoq" taamaallaat atorneqarsinnaavoq inatsimmi matumani piumasaqaatit naammassineqarsimappata.

Imm. 3. Naalakkersuisut kukkunersiusarneq suliffeqarfiullu sinnisaanik atuisinnaatitaaneq pillugit erseqqinnerusunik maleruagassaliorsinnaapput. Nunat allat aningaasaannik pappialanillu nalilinnik niueruteqartartut aalajangersimasumik niertarfegassapput.

Imm. 4. Aningaaseriviit sparekarsillu nunat allat aningaasaannik pappialanillu nalilinnik niuernermik ingerlatsisinhaapput inatsisit allat malillugit tamanna ajornartitaanngippat.

§ 23. Inatsimmi matumani pigisanik aalaakkaasunik nioqquteqartartutut inuussutissarsiuteqarnertut paasineqassaaq pigisanik aalaakkaasunik pisiortornermi tuniniaanermilu akunnermiliuttut ingerlatsineq kiisalu aalajangersimasumik nioqquteqartarfimmiet inuussutissarsiummik ingerlatsineq.

Imm. 2. Pigisanik aalaakkaasunik akunnermiliuttutut nioqquteqartartut eqqartuussissuserisullu pigisanik aalaakkaasunik niuernermik inuussutissarsiuteqarsinnaapput immikkut akuersissuteqarfigineqaratik.

Imm. 3. Naalakkersuisut aalajangersasinnaapput inuussutissarsiutit atorfilli ilaat pigisanik aalaakkaasunik niuernermik inuussutissarsiuteqarnermut atorneqarsinnaanngitsut.

Imm. 4. Naalakkersuisut pigisanik aalaakkaasunik niueruteqartartut suliarisartagaannut erseqqinnerusumik malittarisassanik aalajangersasinnaapput.

Imm. 5. Pigisanik aalaakkaasunik niueruteqartartut taakkulu sulisui pigisanik aalaakkaasunik allanut tunisinermi pisinnaatitaaffit nalunaarsorneqarnerat qularnaveeqqusiiissutillu pillugit uppernarsaaseeqqusaanngillat.

Kapitali 7.

Ataatsimut aalajangersakkat

§ 24. Inuussutissarsiummik ingerlataqartut nioqqutissaatiminik Kalaallit Nunaanni akitsorterussinikkut tuniniaasinnaapput.

§ 25. Inatsit manna malillugu inuussutissarsiummik ingerlatsisinnaatitaasut inatsisini allani inuussutissarsiorsinnaanermut allagartaqarnissaq piumasagaataappat inatsisinut allanut atatillugu uppernarsaatissatut atugassamik inuussutissarsiorsinnaanermut allagartamik tunineqarsinnaapput. Inuussutissarsiorsinnaanermut allagartaq communalbestyrelsimit tunniunneqartarpoq. Naalakkersuisut § 3 aamma § 4 malillugit aalajangiisimappata imaluunniit § 8 malillugu akuersissuteqarsimallutik taamatuttaaq inuussutissarsiorsinnaanermut allagartaq Naalakkersuisunit tunniunneqarsinnaavoq.

Imm. 2. Inuussutissarsiorsinnaanermut allagartami piginnittooq sumiiffillu atuuffigisaa inuussutissarsiutillu suunera allassimassapput.

§ 26. Inatsit manna naapertorlugu akuersissutinik tunniussinernut sullissinermut akiliutissat Naalakkersuisut aalajangersarlugillu akileqqusinnaavaat. Akiliutissap angissusissaa akileqquneqarnissaalu pillugit maleruagassat erseqqinnerusut Naalakkersuisut saqqummiussinnaavaat. Sullissinermut akiliut Nunatta karsianut nakkartinneqassaaq.

Kapitali 8.

Pineqaatissiinissamut aalajangersakkat

§ 27. § 2-mi, imm. 1-imik, § 3-mi, oqaaseqatigiit aappaannik, § 4-mik, § 5-imik, § 6-imi, imm. 3-mik, § 9-mi, imm. 1-imik, 3-mik aamma 5-imik, § 10-mik, § 12-imi, imm. 2-mik, § 13-imi, imm. 2-mi oqaaseqatigiit aappaannik, § 15-imi, imm. 1-imi oqaaseqatigiit siulliannik, § 17-imik, § 18-mi, imm. 1-3-mik, § 21-mi, imm. 2-mik, § 22-mi, imm. 2-mik, § 23-mi, imm. 4-mi oqaaseqatigiit aappaannik kiisalu § 23-mi, imm. 5-imik unioqqutitsinerit akiliisitsissutigineqarsinnaapput naalagaaffiup karsianut nakkartinneqartussanik.

Imm. 2. Maleruagassani inatsit malillugu Naalakkersuisut maleruaqquaanni maleruagassani aalajangersakkanik unioqqutitsinernut akiliisitsisarneq pillugu aalajangersaasoqarsinnaavoq.

Imm. 3. Suliffeqarfik, naalagaaffimmit, Namminersornerullutik Oqartussanit, kommunimit imaluunniit kommunit ataatsimoorussiviannit, aktiaateqarluni ingerlatseqatigiiffimmit, piginneqataassuteqarluni ingerlatseqatigiiffimmit, piginneqatigiiffimmit assigisaannilluunniit ingerlanneqartoq unioqqutitsisuuppat suliffeqarfik taannaatillugu akiliisussanngortinneqarsinnaavoq.

Imm. 4. Naalakkersuisut piginnaatinneqarput aalajangersakkani, inatsit manna tunngavigalugu aalajangersarneqartuni, peqqusummik unioqqutitsinermut akiliisitsisarneq pillugu maleruagassanik aalajangersaanissaannut, aammattaaq unioqqutitsineq piaaraluneernertut mianersuaalliornerulluunniit pineqartumut tutsinneqarsinnaanngikkaluarpalluunniit.

Imm. 5. Nerisassanik imigassanillu inatsimmut matumunnga akerliusumik atuisoq, pisisoq allatulluunniit pissarsisoq akiliissutaasussanngortinneqarsinnaavoq.

§ 28. Ininut iserfigineqarsinnaasunullu allanut inatsit manna malillugu inuussutissarsiummik ingerlataqarfiusunut politiit isernissaat itigartitsissutigineqarsinnaanngilaq. Tamannali atuutinngilaq ineeqqanut unnuiffissatut attartortitanut.

Kapitali 9.

Atortuulersitsinermut ikaarsaariarnermilu aalajangersakkat

§ 29. Inatsisartut inatsisaat 1. januar 2002-mi atortuulerpoq.

Imm. 2. Peqatigisaanik Kalaallit Nunaanni namminersorluni inuussutissarsiuteqarneq pillugu Inatsisartut inatsisaat nr. 8, 16. november 1984-imeersoq, Kalaallit Nunaanni namminersorluni inuutissarsiuteqarneq pillugu Inatsisartut inatsisaata allangortinneqarne-ranik Inatsisartut inatsisaat nr. 2, 31. maj 2001-

imeersoq aamma Kalaallit Nunaanni neriniartarfinnik akunnittarfinnillu ingerlatsineq pillugu Inatsisartut inatsisaat nr. 7, 16. november 1984-imeersoq atorunnaarsinnejqarput.

Imm. 3. Imm. 2-mi aalajangersagaq apeqqutaatinnagu nalunaarutit maleruaqqusallu allat Inatsisartut inatsisaat nr. 8, 16. november 1984-imeersoq, Kalaallit Nunaanni namminersorluni inuutissarsiuteqarneq pillugu Inatsisartut inatsisaata allanngortinneqarne-ranik Inatsisartut inatsisaat nr. 2, 31. maj 2001-imeersoq aamma Kalaallit Nunaanni neriniartarfinnik akunnittarfinnillu ingerlatsineq pillugu Inatsisartut inatsisaat nr. 7, 16. november 1984-imeersoq tunngavigalugit aalajangersarneqarsimasut atuutsiinnarneqartulluunniit atuukkunnaarsinnejqarnissamik tunaanut atuutiinnassapput.

Namminersornerullutik Oqartussat, ulloq 12. november 2001.

Jonathan Motzfeldt

/

Søren Hald Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut